



সর্বোচ্চ ৩১.৭°  
সর্বনিম্ন ২৫.৩°  
শিলিগুড়ি  
বাতাসে আপেক্ষিক আর্দ্রতার পরিমাণ ৭১ শতাংশ

বুধবারের পূর্বাভাস : মেঘলা আকাশ, বৃষ্টি হতে পারে।



উত্তরবঙ্গ সংবাদ ১১ জুলাই ২০১৮ এগারো

# মুখ্যমন্ত্রীর সঙ্গে দেখা করে বঞ্চনার কথা বলতে চান অশোক আমাকে সময় দেওয়া হয় না

শিলিগুড়ি, ১০ জুলাই : শিলিগুড়িকে বঞ্চনার বার্তা সরাসরি মুখ্যমন্ত্রীর কাছে পৌঁছে দিতে এবারও তাঁর সঙ্গে দেখা করার আবেদন জানিয়ে চিঠি দিয়েছিলেন মেয়র অশোক ভট্টাচার্য। কিন্তু মঙ্গলবার পর্যন্ত সেই আবেদনের কোনো সাদা আসেনি। অশোকবাবু বিষয়টিকে দুর্ভাগ্যজনক আখ্যা দিয়ে বলেন, 'একজন মেয়র কিংবা বিধায়ক মুখ্যমন্ত্রীর সঙ্গে তো দেখা করতেই পারেন। আমি প্রতিবারই দেখা করার জন্য চিঠি দিই। কিন্তু দেখা করার জন্য আমাকে সময় দেওয়া হয় না।'



একজন মেয়র কিংবা বিধায়ক মুখ্যমন্ত্রীর সঙ্গে দেখা করতেই পারেন। আমি প্রতিবারই দেখা করার জন্য চিঠি দিই। কিন্তু দেখা করার জন্য আমাকে সময় দেওয়া হয় না।  
—অশোক ভট্টাচার্য, মেয়র, শিলিগুড়ি পুরনিগম

হাসপাতালগুলির বেহাল অবস্থার চিত্র আমরা মাকেমশেই দেখতে পাই। এই নিয়ে বহুরার আমরা আন্দোলন করছি। কিন্তু হাসপাতালগুলির চেহারা বদল হয়নি। কলেজগুলিতে ভরতির নামে তোলা নেওয়া হচ্ছে। বহু দুঃ ছাত্রছাত্রী অর্থের অভাবে কলেজে ভরতি হতে পারছেন না। অনেকের

কাছে টাকা চাওয়া হচ্ছে বলে আমরা সবদিক দিয়ে দেখছি। এই বিষয়গুলির সঙ্গে কারা জড়িত? শাসকদলের লোকজন নাকি বিরোধী দলের লোক? এটা মুখ্যমন্ত্রী পরিষ্কার করে বলুন। জমির দালালি যারা করছে, তারা তাদের ছত্রছায়ায়, সেটা উল্লেখ করা প্রয়োজন। মুখ্যমন্ত্রী উদ্যোগ প্রকাশ করছেন শুনলাম। তবে পুরো বিষয়টি কিন্তু ওনার হাতেই। উনি চাইলেই এসব বন্ধ হতে পারে। তাই ওনাকেই বিষয়টি দেখতে হবে। মেয়রের অভিযোগ, মুখ্যমন্ত্রীর ডাকা প্রশাসনিক বৈঠকগুলিতে অন্য বিধায়ক, সভাপতিত্বের আমন্ত্রণ পেলেও শিলিগুড়ির ক্ষেত্রেই বিধায়ক, সভাপতিত্ব বাদ পড়ে যান। মানুষ সব দেখছে। এগুলো তারা মোটেই ভালোভাবে নিচ্ছেন না। এদিকে, কলকাতায় ফিনাল কমিশনের সভায় যোগ দিতে ১৬ তারিখ কলকাতা যাচ্ছেন অশোক ভট্টাচার্য। তাঁর বক্তব্য, যদি সেখানে বলার সুযোগ পাই, তবে অবশ্যই শিলিগুড়ি প্রসঙ্গ তুলব।



ঝুঁকির যাত্রা।। শিলিগুড়ির দার্জিলিং মোড়ে। ছবি : সূত্রধর

## ডাম্পারের ধাক্কায় মৃত্যু মহিলার

শিলিগুড়ি, ১০ জুলাই : রাস্তা পার হওয়ার সময় ডাম্পারের ধাক্কায় মৃত্যু হল এক মহিলার। মঙ্গলবার সকালে ঘটনাটি ঘটেছে শিলিগুড়ির প্রধাননগর থানার গাঙ্গি ময়দান এলাকায়। মৃতের নাম লক্ষ্মীদেবী বরুয়া (৩৬)। তাঁর বাড়ি প্রকাশনগর এলাকায়। পুলিশ মৃতদেহ উদ্ধার করে ময়নাতদন্তের জন্যে উত্তরবঙ্গ মেডিকেল কলেজ ও হাসপাতালে পাঠিয়েছে। ঘটনায় চালক সহ ডাম্পারটি আটক করেছে পুলিশ। এদিন বাড়ি থেকে বেরিয়ে গাঙ্গি ময়দান এলাকা ধরে যাচ্ছিলেন ওই মহিলা। প্রত্যক্ষদর্শীদের মতে, তিনি রাস্তা পার হতে গেলে দ্রুতগতিতে আসা একটি ডাম্পার তাঁকে ধাক্কা মারে। ঘটনাস্থলেই মাটিতে লুটিয়ে পড়েন তিনি। স্থানীয়রা ছুটে এসে ডাম্পার ও চালককে আটক করে। মহিলাকে রক্তাক্ত অবস্থায় পাঠানো হয় প্রধাননগরের একটি নার্সিংহোমে। সেখানেই চিকিৎসকরা তাঁকে মৃত বলে ঘোষণা করেন। পুলিশ মেহ ময়নাতদন্তে পাঠিয়ে ঘটনার তদন্ত শুরু করেছে।

## স্কুলেই কোচিংয়ের দাবি অভিভাবকদের

শিলিগুড়ি, ১০ জুলাই : স্কুলেই ছাত্রছাত্রীদের কোচিং ক্লাস শুরু করার জন্য শিলিগুড়ির চারটি স্কুলের প্রধান শিক্ষকের কাছে স্মারকলিপি দিল দার্জিলিং জেলার অভিভাবক মঞ্চ। মঙ্গলবার অভিভাবক মঞ্চের পক্ষ থেকে শিলিগুড়ি হাইস্কুলপাড়া বালিকা বিদ্যালয়, শিলিগুড়ি বয়েজ হাইস্কুল, শিলিগুড়ি নেতাজি হাইস্কুল, তরাই তারাপদ আদর্শ বিদ্যালয়— এই চারটি স্কুলে স্মারকলিপি দেওয়া হয়। তবে প্রাথমিক পর্যায়ে এই চারটি স্কুল দিয়ে শুরু করলেও পরবর্তীতে শহরের বাকি স্কুলগুলিতেও এই আবেদন করা হবে বলে দার্জিলিং জেলা অভিভাবক মঞ্চের পক্ষ থেকে জানানো হয়।

সম্প্রতি শিলিগুড়ি শিক্ষা জেলার বিদ্যালয় পরিদর্শক (মাধ্যমিক) শহরের বেশ কিছু স্কুলের শিক্ষক-শিক্ষিকাদের টাকার বিনিময়ে গৃহশিক্ষকতা করার অভিযোগ করে শোকজের চিঠি পাঠান। এই সিদ্ধান্তের জন্য ডিআইয়ের বিরুদ্ধে সবার হয় অভিভাবক মঞ্চ। তাদের দাবি, ডিআই অফিস থেকে এমন কিছু শিক্ষক-শিক্ষিকাকে চিঠি পাঠানো হয়েছে যারা ছাত্রছাত্রীদের স্বার্থেই গৃহশিক্ষকতা করেন। আর তাঁর জন্য অভিভাবকদের কাছ থেকে পারিশ্রমিক নেওয়া হয় না। কিন্তু তাঁর পরেও শোকজের চিঠি পাওয়ার ফলে এখন তাঁরা বাধ্য হয়ে গৃহশিক্ষকতা করা বন্ধ রেখেছেন। যার ফলে হাজার হাজার ছাত্রছাত্রীর পড়াশোনা ব্যাপক ক্ষতি হচ্ছে। সোমবার অভিভাবক মঞ্চের পক্ষ থেকে এ ব্যাপারে ডিআই-কে সেরাও করা হয়। যদিও ডিআই জানিয়েছেন, তিনি যা করছেন পুরোটােই আইন মেনে।

অভিভাবক মঞ্চের সম্পাদক শান্তনু মজুমদার জানিয়েছেন, এমন কিছু শিক্ষক-শিক্ষিকাকে ডিআই শোকজের চিঠি পাঠিয়েছেন যারা আমাদের ছেলেমেয়েদের কোনো পারিশ্রমিক না নিয়েই পড়াতেন। কিন্তু এভাবে হেনস্তা হওয়ার ফলে তাঁরা বাধ্য হয়ে পড়ানো বন্ধ রেখেছেন। স্কুলের প্রধান শিক্ষকের কাছে আমাদের দাবি, যদি ছাত্রছাত্রীদের স্বার্থে স্কুল শিক্ষকদের গৃহশিক্ষকতা করতে না দেওয়া হয় তাহলে স্কুলেই তাদের জন্য কোচিং ক্লাসের ব্যবস্থা করা হোক। যাতে পড়াশোনা কোনো ক্ষতি না হয়। কারণ, স্কুলের একটা ৪৫ মিনিটের ক্লাসে অনেক সময়ই সিলেবাস শেষ হয় না। স্কুলগুলির তরফে জানানো হয়েছে, সব কিছু নিয়ে আলোচনা করে তারপরই পরবর্তী সিদ্ধান্ত নেওয়া হবে।

## আফিম সহ যুবক গ্রেফতার এনজেপিতে

শিলিগুড়ি, ১০ জুলাই : প্রায় ২৫ লক্ষ টাকা। এনসিবি'র আধিকারিকদের কাছে গোপন সূত্রে পাওয়া খবরের ভিত্তিতে আরপিএফের সঙ্গে যৌথ অভিযান চালিয়ে বিপুল পরিমাণ আফিম সহ একজনকে গ্রেফতার করল নারকোটিক কন্ট্রোল ব্যুরো (এনসিবি), কলকাতা। ধৃতের নাম রঞ্জিত পাল। ধৃতের বাড়ি জলপাইগুড়ি জেলার জামুরিডাটা এলাকায়। সোমবার রাতে নিউ জলপাইগুড়ি স্টেশনের এক নম্বর প্ল্যাটফর্ম থেকে অভিযুক্তকে গ্রেফতার করেছে এনসিবি। অভিযুক্তকে মঙ্গলবার শিলিগুড়ি মহকুমা আদালতে তোলা হলে বিচারক তার জেল হেপাজতের নির্দেশ দিয়েছেন। এনসিবি সূত্রে খবর, উদ্ধার হওয়া আফিমের বাজার মূল্য

ব্যাঙ্গের মধ্যে ৪.৭ কেজি আফিম উদ্ধার করা হয়। এরপরেই অভিযুক্তকে গ্রেফতার করা হয়। এনসিবি কলকাতা ব্যুরোর আধিকারিক দিলীপ শ্রীমাস্তব বলেন, 'আমাদের কাছে খবর ছিল ট্রেনে করে মাদক পাচার করা হচ্ছে কলকাতায়। এরপরেই আমাদের একটি দল গিয়ে আরপিএফের সঙ্গে যৌথভাবে অভিযুক্তকে গ্রেফতার করে। এনজেপির আরপিএফের আইসি বিপ্লব মজুমদার বলেন, 'এনসিবি কাল রাতেই আমাদের কাছে পুরো বিষয়টি জানায়। ওরা আমাদের সাহায্য চেয়েছিল। আমরা সাহায্য করেছি। গ্রেফতার করা হয়েছে একজনকে। উদ্ধার করা হয়েছে ৪.৭ কেজি আফিম।'

## ট্রেনে কাটা পড়ে মৃত্যু

শিলিগুড়ি, ১০ জুলাই : লাইন পার হতে গিয়ে ট্রেনে কাটা পড়ে মৃত্যু হল এক যুবকের। মঙ্গলবার রাতে ঘটনাটি ঘটেছে শিলিগুড়ির ফুলেশ্বরী রেলস্টেশনে। জানা গিয়েছে, এদিন রাত ৯টা নাগাদ গোট বন্ধ থাকলেও লাইন পার হওয়ার চেষ্টা করছিলেন এক যুবক। এমন সময় কাঞ্চনকন্যা এক্সপ্রেসে কাটা পড়েন তিনি। ঘটনাস্থলেই মৃত্যু হয় তাঁর। খবর পেয়ে ঘটনাস্থলে পৌঁছান শিলিগুড়ি টাউন জিআরপি কর্মীরা। জিআরপি কর্মীরা মৃতদেহ উদ্ধার করে ময়নাতদন্তের জন্যে উত্তরবঙ্গ মেডিকেল কলেজ ও হাসপাতালে পাঠিয়েছেন।



সিটিজেন জার্নালিস্ট

## বহিরাগত রুখতে হিমসিম খাচ্ছে শিলিগুড়ি কলেজ

শিলিগুড়ি, ১০ জুলাই : শিলিগুড়ি কলেজে বহিরাগতদের দাপট অতিষ্ঠ খোদ কলেজ কর্তৃপক্ষই। কীভাবে বহিরাগতদের কলেজছাড়া করা সম্ভব হবে তা নিয়েই চিন্তিত তারা। অভিযোগ, বোন কিংবা ভাই কিংবা কোনো নিকটাত্মীয়কে ভরতি করার নাম করেই কলেজে ঢুকে পড়ছে বহিরাগতরা। কখনও কখনও কলেজের অধ্যক্ষের অ্যাটেন্ডেন্টকে ধাক্কা মেরেও ভেতরে ঢুকে যাচ্ছে, কখনও আবার প্রধান গেটে তাল ধাক্কা দিয়ে নিরাপত্তারক্ষীকে হুমকি দিয়ে কলেজে ঢুকছে বহিরাগতরা। তাই কলেজে বহিরাগতদের দাপট কমাতে আরও কড়া হচ্ছে কর্তৃপক্ষ। বহিরাগতদের মধ্যে যারা পরিচিত মুখ, তাদের কলেজে দেখলে ডেকে সতর্ক করার চিন্তাভাবনা শুরু করেছে কর্তৃপক্ষ।

মুখ্যমন্ত্রীর নির্দেশিকার পরেও শিলিগুড়ি কলেজে বহিরাগতদের দাপট কমানো সম্ভব হয়নি। কলেজের সদ্য প্রাক্তন সাধারণ সম্পাদক থেকে শুরু করে ছাত্র সংঘের প্রাক্তন সদস্যরা ঘুরে বেড়াচ্ছেন কলেজ চত্বরে। কাউকে দেখা যাচ্ছে অধ্যক্ষের ঘরের বাইরে, আবার কাউকে দেখা যাচ্ছে কলেজের ক্যানটিনে বসে আড্ডা দিতে। কেউ কেউ আবার কলেজ মাঠের চারপাশে বসে রইয়েছেন। কিন্তু যেখানে বহিরাগতদের কলেজে প্রবেশে নিষেধাজ্ঞা রয়েছে সেখানে কী করে তারা কলেজে ঘুরে বেড়াচ্ছে তা নিয়ে উঠছে প্রশ্ন। যদিও বহিরাগতদের কলেজছাড়া করতে একাধিক ব্যবস্থা নেওয়া হলেও কলেজপক্ষ সমস্ত চেষ্টাই এখনও ব্যর্থ হয়েছে। অভিযোগ, কলেজের গেটে কোনো বহিরাগতকে আটকানো হলেই নিরাপত্তারক্ষীকে হুমকি দেওয়া হয়। কয়েকদিন আগে এক বহিরাগতের সঙ্গে নিরাপত্তারক্ষীর বচসায় হয় বলে অভিযোগ। অন্যদিকে, ভরতি প্রক্রিয়া শুরু হতেই অধ্যক্ষের ঘরের সামনের কোলাপসিবল গেট তাল দিয়ে রাখা হয়। অভিযোগ, কোনো অধ্যাপক ওই গেট দিয়ে সোঁতার সময় তাঁর সঙ্গে জোর করে ভেতরে ঢুকে যাচ্ছে বহিরাগতরা। বিষয়টি নিয়ে রীতিমতো সমস্যা পড়েছে কলেজ কর্তৃপক্ষ। পুলিশকে আরও কড়া ব্যবস্থা নেওয়ার আবেদন জানানো হবে বলে জানা গিয়েছে। এদিন শিলিগুড়ি কলেজের অধ্যক্ষ ডঃ সৃজিত ঘোষ বলেন, 'বহিরাগতদের আটকাতে আমরা সবারকমের চেষ্টা করছি। কিন্তু কখনও নিরাপত্তারক্ষীকে ভয় দেখিয়ে, কখনও আত্মীয়কে ভরতি করানোর নাম করে বহিরাগতরা ভেতরে ঢুকে যাচ্ছে। আমরা পুলিশকে আবারও বিষয়টি দেখার কথা বলব। পাশাপাশি আমরা আরও বেশি কঠোর হব।'

## জন্মজয়ন্তী পালিত

বাগডোগরা, ১০ জুলাই : 'আঠারোখাইয়ের সরোজিনী' সংঘ ও পাঠাগারে ডাঃ বিধানচন্দ্র রায়ের ১৩৭তম জন্মজয়ন্তী পালন করা হল। মঙ্গলবার সন্ধ্যায় ডাঃ বিধানচন্দ্র রায়ের প্রতিকৃতিতে মালাদানের পাশাপাশি নানা অনুষ্ঠানের আয়োজন করা হল। তাঁর জীবনের বিভিন্ন দিক নিয়ে আলোকপাত করে বক্তব্য রাখেন সজল গুহ, অনিল সাহা প্রমুখ।

শিলিগুড়ি কলেজে মশার আঁতড় : শিলিগুড়ি তথা সারা উত্তরবঙ্গের অন্যতম নামি কলেজ শিলিগুড়ি মহাবিদ্যালয়। পড়ুয়াদের এখানে নানা বিষয়ে ভালোভাবে পড়ানো হয়। স্বাস্থ্যবিধি বলে— জমা জল, আবহাওয়া মশার বাড়াবাড়ি। তাই আশপাশ পরিষ্কার—পরিষ্কার রাতে সবসময় প্রচার চালিয়ে চলেছে পুরনিগম। অথচ সেই প্রচারের কোনো প্রভাবই পড়েনি শিলিগুড়ি কলেজে। এখানকার মাঠে জল জমে থাকে, নর্মায জমে থাকে আনন্দ। মনোমতো এমন জায়গা পেয়ে মহানদে মশককুলের বাড়াবাড়ি। রোগ ছড়ানোর আশঙ্কা। কর্তৃপক্ষ নজর দিলে ভালো হয়।  
তথ্য ও ছবি : পৃথী বিশ্বকর্মা

## নেই পর্যাপ্ত টাইমকল, জল সমস্যায় বিধান মার্কেট

শিলিগুড়ি, ১০ জুলাই : শহরের পুরনো বাজারগুলির মধ্যে অন্যতম বিধান মার্কেট। শাকসবজি থেকে জামাকাপড়, বিভিন্ন প্রয়োজনে দেশের বাসিন্দাদের এই বাজারই প্রধান গন্তব্য। বেশ-বিদেশ থেকে আসা পর্যটকরাও পছন্দের সামগ্রী কিনতে একবারের জন্য হলেও ঘুরে যান এই বাজার। সময়ের সঙ্গে সঙ্গে বহু মানুষের রুজিকটর জোগানও হয়ে উঠেছে এই বাজার। কিন্তু বাবসা বাণিজ্যের মাঝেই কোথাও যেন মার্কেটজুড়ে এক তীব্র হাহাকার শোনা যায়। পুরনিগমের টাইমকল বসানো হলেও তা পর্যাপ্ত না থাকায় দিনের পর দিন পানীয় জলের কটে ভুগতে হচ্ছে বাবসারীদের।  
বিধানচন্দ্র রায়ের হাতে গড়ে ওঠা এই বাজারটি দুটি ভাগে বিভক্ত। সাত একর জমির উপর গড়ে ওঠা এই বাজারের একটি অংশে রয়েছে ন্যাশনাল রিকিউজি সেন্টার। অন্যদিকে রয়েছে রিকিউজি সেন্টার। ন্যাশনাল রিকিউজি সেন্টারের পাশে রয়েছে ক্ষুদ্রায়মপল্লি সবজি বাজার। বাজার সূত্রে জানা যায়, জলের সমস্যা মেটানোর জন্য একসময় বাজারের চারদিকে ইঁদারা ছিল। সময়ের সঙ্গে ইঁদারাগুলি লুপ্ত হয়ে গেলে পুরনিগমের উদ্যোগে টাইমকল বসানোর সিদ্ধান্ত নেওয়া হয়। সেইমতো বাজার সংলগ্ন অটোস্ট্যান্ডে একটি,



পানীয় জলের জন্য দুঃখিত।—সবদাচিত্র

প্রশান্ত সরকার। তাঁর বক্তব্য, 'নির্দিষ্ট সময়ের সেন্টার দুটি সহ মোট সাতটি টাইমকল বসানো হয়। কিন্তু সকাল থেকে রাত অবধি বাজারে থাকা সাড়ে তিন হাজারেরও উপর বাবসারীরা কাছে সেই সংখ্যাতা অতি নগণ্য বলে জানানেন

কমিটির পক্ষ থেকে কয়েকটি টিউবওয়েল বসানো হলেও সেই জল পানের যোগ্য নয় বলে জানানেন আর—এক ব্যবসারী অতিথি দাস। তাঁর বক্তব্য, 'টাইমকলে জল টিকমতো না মেলায় প্রায় সবসময়ই টিউবওয়েলগুলির সামনে লাইন লেগে থাকে। কিন্তু অন্যান্য কাজ সে জল ব্যবহার করা গিয়েছে পানীয় হিসেবে চলে না।' এই অবস্থায় জল কিনে খাওয়া ছাড়া অন্য কোনো উপায় থাকে না বলে জানানেন সবজি ব্যবসারী প্রকাশ রাউত। তাঁর বক্তব্য, 'সবজি ব্যবসায় প্রচুর পরিমাণে জল লাগে। সেই জল কোনোভাবে জোগাড় করা গেলেও পানীয় জলের চরম সমস্যা রয়েছে। সামনের বাড়িতে গিয়ে আমাদের জল চাইতে হচ্ছে। কিন্তু সবসময় জল চাওয়া যায় না। তাই কোনো কোনো সময় জল কিনে খেতে হচ্ছে। কর্তৃপক্ষের কাছে বাজারে পর্যাপ্ত পানীয় জলের ব্যবস্থা করে দেওয়ার অনুরোধ করব।'  
বিধান মার্কেট ব্যবসারী সমিতির সম্পাদক চিত্তরঞ্জন দাস বলেন, 'জলের সমস্যা রয়েছে। আমরা মার্কেট টাইমকলের সংখ্যা বাড়ানোর জন্য ইতিমধ্যেই ওয়ার্ড কাউন্সিলারের কাছে অনুরোধ করেছি। আশা করি, তিনি এ বিষয়ে সচিব বাজার নেবেন।' কাউন্সিলার মঞ্জুরী পালন বলেন, 'পানীয় জলের সমস্যা রয়েছে। কিন্তু টাইমকল বসানোরও অসুবিধা রয়েছে। মার্কেট কমিটি উপযুক্ত জায়গা চিহ্নিত করে চিঠি দিলে আমরা দ্রুত টাইমকল বসানোর ব্যবস্থা করব।'

## দেবদেবীদের পদবি নেই কেন? রবীন্দ্রনাথের পূর্বপুরুষ কুলি সর্দার ছিলেন?

১০ টাকা

প্রকাশিত

# তথ্যকেন্দ্র

১ জুলাই ২০১৮

একজন প্রেমের গল্প

জীবনানন্দ, দাস নাকি দাশ?

পুজোর বিমানের টিকিট

কীভাবে এল আমাদের পদবি

রবীন্দ্রনাথের পদবি জিজ্ঞাসা সহ এক গুচ্ছ ব্যতিক্রমী নিবন্ধ

আত্মকথায় সমরেশ, রম্যকথায় স্বপ্নময়, কলকাতায় মস্তানরাজ ভ্রমণে মধ্যপ্রদেশ, ছত্তিশগড়, দিউ, নীলগিরি, খেদাইতলার মেলা, গ্রিসের স্পার্টা